

臺語田園 ê 作穡人

■ The Tiller for the Field Called Taiwanese

Ko, Goát-oân (高月員)

這坵
是阮感情 ê 後頭厝
有細漢純真 ê 呢喃
有流失文化 ê 感嘆
這種經驗綴理念羶

彼坵
雜草滿滿是
掛心 ê 是家己
田岸路一條一條行過
看著透濫 ê 種子

作穡人
掖種等開花
開花等結子
汗流，到今
猶原是無回頭 ê 堅持

2020.8.21

美國豬 ê 祈禱文

■ The Prayer of an American Pig

Koeh, Iàn-lîm (郭燕霖)

親愛 ê 主耶穌
我是美國豬
美國人無尊重我 ê 豬權
飼我食 Ractopamine
美國人講食後會生 chiaⁿ-bah
原本是人食 --ê 治 he-ku
豬毋肥肥佇狗 人毋食換豬食 奇咧

20201224 平安暝無平安
台灣行政院立法局通過 Ractopamine chiaⁿ-bah 行政命令
台灣人會使合法食我 ê 肉、chhng 我 ê 骨

In 頭人李登輝 bat 講起
我毋是我 ê 我
拆明是聖靈佇我心內 ê 我
我食 Ractopamine 了後
Chiaⁿ-bah 毋是 chiaⁿ-bah ê chiaⁿ-bah
拆明是 Ractopamine ê chiaⁿ-bah

雖罔美國總統 chhiú-hōaⁿ 聖經上任
總是人有罪
誤用 chia ê 恩賜
我 ko-put-chiong 愛食 Ractopamine